

明史

史略

卷七十五起
七十九止
第十四冊

史畧卷七十五

皖南朱堃筠如輯

明史列傳

徐達字天德濠人。世業農。達少有大志。長身高。賴剛毅武勇。太祖爲郭子興部帥時。達年二十二。往從之。及太祖用畧定遠。帥二十四人達首與焉。尋從渡江。拔牛渚。下太平。取集慶。拜達大將軍。平章以次平齊魯。掃河洛。克太原。入元都。封魏國公。達用兵如神。諸將奉持凜凜。而帝前恭謹如不能言。善拊循。與下同甘苦。無不感恩。爲我用歸朝。單車就舍。延禮儒生。談論終日。雍雍如也。帝嘗稱之曰。受命而出。成功而旋。不矜不伐。婦女無所愛。財寶無所取。中正無疵。照明乎日月。大將軍一人而已。在北平疽發背。而薨。帝奔赴慟哭。輟朝。追封中山王。謚武寧。賜葬鍾山之陰。御製神道碑。子四。長輝。祖秉節。無二。嘗爲大將。北征燕王。下京師。不屈死。季增。壽。機。警。勇敢。謹實。無過。而歸心燕王。燕師起。爲內訥。建文手劍斷其腰。燕王入撫。

尸而哭之追封賜謚子孫襲爵

常遇春字伯仁懷遠人胆力絕人猿臂善射從羣盜劉聚聚好擄掠心薄之太祖駐兵和陽遇春來歸未至困臥田間夢神人披金甲擁盾呼曰起主君來驚寤而太祖適至卽迎拜請爲先鋒太祖弗許曰能相從俟渡江事我未晚也及兵薄牛渚磯元兵陳磯上舟距岸三丈餘莫能登遇春飛舸至太祖麾之前遇春應聲奮戈直前敵接其戈乘勢躍而上大呼跳盪元軍披靡諸將乘之遂拔采石進取太平遂大用拜副將軍封鄆國公元兵走開平遇春追北數百里獲輜重無數師還次柳河以暴疾卒帝聞之震悼親出奠命禮官議天子爲大臣發哀禮用宋太宗喪韓王趙普故事制曰可賜葬鍾山原追封開平王謚忠武遇春善撫士卒摧鋒陷陣未嘗敗嘗自言能十萬衆橫行天下軍中又稱常十萬長於大將軍徐達二歲從征伐聽約束惟謹一時名將稱徐常二子茂昇茂以父功封鄭國公

龍州無子昇改封開國公

李文忠字思本小字保兒盱眙人太祖姊子也年十二而母死父貞携之轉側亂軍中溺死者數矣踰二年乃謁太祖於滁陽太祖喜甚撫以爲子令從已姓讀書穎敏如素習年十九以舍人將親軍從援池州驍勇冠軍取建德克桐廬新城富陽遂趨杭州守將潘元明降以女樂迎麾去之下令曰擅入民居者死一卒借民釜斬以徇城中帖然加浙江行省平章事復姓李氏征閩定建延汀三州會大將軍徐達攻慶陽行次太原攻大同圍急謂左丞趙庸曰我等受命而來闕外之事苟利於國專之可也今大同甚急援之便遂出雁門次馬邑敗元兵時元帝已崩文忠謀知之兼程趨應昌元嗣君北走獲宋元玉璽金寶十五玉冊二鎮圭大圭玉斧各一宮人官屬數百人而還獻捷封曹國公文忠器量沈宏臨敵踴厲風發頗好學問嘗師事金華范祖幹胡翰通曉經義爲詩歌雄駿可觀初太祖定應天以軍興不給增民田租文忠請之得減額其釋兵家居循循若儒者帝雅愛重之家故多客嘗以客言勸帝少誅僇又言宦者過盛非天子不

近刑人之義以是積忤旨譴責得疾卒追封岐陽王諡武靖三子長景隆
次增枝芳英景隆小字九江每朝會進止雍容甚都太祖數目屬之龔爵
掌左都督府事建文帝卽位景隆以肺腑見親任被命執周王橚及燕兵
起長興侯耿炳文討燕失利齊泰黃子澄薦景隆代炳文爲大將軍北伐
景隆貴公子不知兵惟自尊大諸宿將怏怏不爲用誓師德州進營白溝
河與燕軍連戰大敗走濟南王師死者數十萬人南軍遂不支黃子澄慚
憤請誅景隆帝不問使如燕割地請和景隆降燕土授以左輔國朝廷大
事猶班自主議諸功臣咸不平永樂末卒增枝授勳衛擢前軍左都督芳
英官至中書正留守

鄧愈虹人初名友德父順興據臨濠與元兵戰死兄友隆代之復病死衆
推愈領軍事愈年甫十六每戰必先登陷陣軍中咸服其勇太祖起滁陽
愈來歸授管軍總管從渡江有功進江西行省右丞時年二十八兵興諸
將罕貴未有如愈顯李文忠者愈事母孝撫幼弟有恩將軍嚴善撫降附

其徇安福也部卒有虜掠者判官潘樞入謁面責之愈驚起謝趣下令掠民者斬索軍中所得子女盡出之樞因閉置空舍中自坐舍外作糜食之卒有謀乘夜劫取者愈鞭之以徇悉獲遣還其家民大悅已而戍襄陽經畧中原南陽以北悉定又分兵自臨洮至黃河抵黑崧林河州以西悉歸附出甘肅西北數千里而還論功封衛國公尋卒追封寧河王謚武順子鎮嗣

湯和字鼎臣濠人與太祖同里閈幼有奇志習騎射及長倜儻多計畧郭子興初起和帥壯士十餘人歸之從太祖拜征南將軍帥常州長興江陰諸軍討方國珍渡曹娥江下餘姚上虞取慶元國珍詣軍門降拜偏將軍從大將軍征西自懷慶踰太行拔河中入潼關趨涇州遂定寧夏進征西將軍帥副將軍廖永忠以舟師由瞿塘趨重慶而傅友德已自秦隴深入取漢中進圍成都降明昇封信國公和多智頗有酒過守常州時嘗請事於太祖不得醉出怨言曰吾鎮此城如坐屋脊顧左則左顧右則右太祖

和獨以壽終
亦猶唐之李
郭同建勳績
而子儀獨全
令名也明祖
晚年於諸功
臣多有疑忌
烏盡弓藏殺
之漢高尤為
過甚也

聞而銜之時魏國曹國皆前卒帝春秋高天下無事意不欲諸將久典兵
未有以發也和以間從容言乞骸骨立賜鈔治第既而倭寇上海帝患之
顧謂和曰卿雖老強為朕一行和請與方鳴謙俱鳴謙國珍從子也習海
事嘗訪以禦倭策鳴謙曰倭海上來則海上禦之耳請量地遠近置衛所
陸聚步兵水具戰艦則倭不得入入亦不得傳岸近海民四丁籍一為軍
無煩客兵也帝以為然和乃度地浙西東置衛所並海築城五十有九浙
人頗苦之或謂和曰民譟矣奈何曰成遠算者不恤近怨任大事者不顧
細謹復有譟者齒吾劍踰年而城成令浙民四丁取一戍之凡得五萬八
千七百餘人工竣報命當時公侯宿將坐奸黨先後罹法稀得免者而和
獨享壽終追封東甌王諡襄武嘉靖問東南苦倭患和所築沿海城戍皆
堅緻久且不圯浙人賴以自保多歌思之

沐英字文英定遠人少孤從母避兵母又死太祖與孝慈皇后憐之撫為
子從朱姓授帳前都尉遷大都府僉事尋拜征南右副將軍或曰英原姓

臨敵決機將
勇者勝

李後當敗帝曰毋李毋朱單曰木比征雲南曰南方火當克不當生乃定
姓沐大軍由辰沅趨貴州克普定普安梁王遣平章達里麻以兵十餘萬
拒於曲靖英乘霧趨白石江帥諸軍嚴陳若將渡者而奇兵從下流濟出
其陳後張疑幟山谷間人吹一銅角元兵驚擾英急麾軍渡江以善泅者
先之畢濟縱鐵騎擣之拔大理而留英鎮滇中百夷思倫發寇定邊衆號
三十萬英選騎三萬馳援置火礮勁弩爲三行蠻毆百象被甲荷欄楯左
右挾大竹爲筒筒置標槍銳甚英分軍爲三都督馮誠居前寧正左湯昭
右將戰令曰今日之事有進無退因乘風大呼礮弩並發衆皆反走大軍
乘之斬馘四萬餘人生獲三十七象餘象盡殪賊渠帥各被百餘矢諸蠻
震懼麓川始不復梗緬遂平還朝陞辭帝親拊之曰使我高枕無南顧憂
者沐英也英撫卒伍有恩在滇百務具舉課農桑懇屯田百餘萬畝滇池
隘浚而廣之通鹽井之利以來商旅居常讀書不釋卷嘗於壁間大書周
子太極圖說張子東西二銘朱子敬齋箴孔明出師二表李密陳情表韓

愈佛骨表朝夕瞻對又有馬癖曰天用莫如龍地用莫如馬吾將也馳逐於兩陣順吾驅策與吾一心以立功者在良驥耳是不可愛而他愛乎年四十八以中風卒追封黔寧王諡昭靖子春晟昂相繼鎮雲南

李善長字百室定遠人少讀書有智計習法家言策事多中太祖畧地滁陽善長迎謁知其爲里中長者留掌書記爲參謀預機畫主饋餉甚見親信改樞密院爲大都督府兼領府司馬進行省參知政事請權兩淮鹽立茶法皆斟酌元制去其弊既復制錢法開鐵冶定魚稅國用益饒而民不困嘗奉命監修元史編祖訓錄大明集禮諸書定天下獄瀆神祇封號封建諸王爵賞功臣事無巨細悉委善長與諸儒臣謀議行之進太師中書左丞相封韓國公善長貌寬和而性忮刻富貴極意稍驕帝微厭之有人告善長弟存義父子實胡惟庸黨者詞連善長御史交章劾以大逆會有言星變其占當移大臣遂賜善長死殺其家屬七十餘人子祺尙臨安公主免死徙江浦而吉安侯陸仲亨延安侯唐勝宗平涼侯費聚南雄侯趙

李善長股肱
臣也知胡惟庸反謀隱而不舉即非甘心附和亦與窮蹈反逆同科明祖未能明正典刑願因占驗賜死以應星變使一時罪狀不著無識者轉得藉口

庸榮陽侯鄭遇春宜春侯黃彬河南侯陸聚豫章侯胡美等皆同時坐惟庸黨死帝條列罪作奸黨錄布告天下既而虞部郎中王國用上言善長與陛下同心出萬死以取天下勲臣第一生封公死封王男尚公主親戚拜官人臣之分已極藉令自圖不軌尙未可知而今謂其欲佐胡惟庸成不過勲臣第一而已矣太師國公封王而已矣尙主納妃而已矣寧復有加於今日當元之季欲爲此者何限莫不身爲齏粉覆宗絕祀能保首領者幾人哉善長胡乃以衰倦之年身蹈之也若謂天象告變大臣當災殺之以應天象則尤不可臣恐天下聞之謂功如善長且如此四方因之解體也今善長已死言之無益所願陛下作戒將來耳

汪廣洋字朝宗高郵人流寓太平太祖渡江召爲元帥府令史尋進中書省參政封忠伯伯誥詞稱其勦繁治劇屢獻忠謀比之子房孔明拜右丞相與胡惟庸同相浮沉守位而已帝數戒諭之中丞涂節言劉基爲惟庸毒死廣洋宜知狀帝問之對曰無有帝怒責廣洋欺罔貶海南舟次太平

賜死廣洋少師余闕淹通經史善篆隸工爲歌詩爲人寬和自守與奸人同位而不能去故及於禍

劉基字伯溫青田人曾祖濠仕宋爲翰林掌書宋亡邑子林融倡義旅事敗元遣使籍其黨多連染使道宿濠家醉使者而焚其廬籍悉毀使者計無所出乃爲更其籍連染者得免基穎異年十四通春秋能文章其師鄭復初謂其父爚曰君祖德厚此子必大君之門矣長務理學尤精天文兵法元舉進士丞高安廉節有名尋以浙江副提舉歸隱嘗遊西湖有異雲起西北魯道原字文公諒皆謂此慶雲基獨縱飲不顧曰此天子氣應在金陵十年後有王者起我當輔之又授處州總管府判薄其官棄歸著郁離子十卷會太祖定括蒼總制孫炎以上命來聘遂問道詣金陵陳時務十八策適陳氏入寇獻計者或曰降便或曰鍾山有王氣奔據之便或曰決死一戰不勝而走未晚基獨不言太祖召問對曰先斬王降及奔鍾山者乃可破賊曰先生計將安出基曰臣計莫若傾府庫開志誠以固士心

明祖擇賢任
殷水之基相
劉基既承顧
問則當實舉

取威制敵以成王業在此舉矣太祖用其策誘友諒至大破之初太祖以
韓林兒稱宋後中書省設座基大怒曰何爲奉較豎者因上陳天命所在
太祖大悟遂定計取天下當是時漢吳爲敵衆謂蘇湖地肥饒宜先取基
曰士誠自守虜友諒居上流且名號不正宜先伐漢漢滅吳直囊中物會
漢再攻洪都太祖西征大戰彭蠡湖勝負未決基密請移軍湖口期以金
木相犯曰決勝其後滅漢取吳收中原如基謀太祖禮重之常呼爲老先
生而不名又曰卿吾子房也賜語云學爲帝師才本王佐渡江策士無雙
開國文臣第一初基與同郡葉琛章溢金華宋濂同被召入見太祖問勞
曰我爲天下屈四先生太祖以事責丞相李善長基言善長勲舊能調和
諸將太祖曰是數欲害君君乃爲之地耶吾行相君矣基頓首曰是如易
柱須得大木若束小木爲之且立覆及善長罷帝欲相楊憲基力言不可
曰憲有相才無相器夫宰相者持心如水以義理爲權衡憲則不然帝問
汪廣洋曰此褊淺殆甚於憲又問胡惟庸曰譬之駕懼其傾轅也帝曰吾

所知以副側
席之意不宜
隱躍其辭以
孤厚望

之相無逾先生基曰臣疾惡太甚又耐繁劇爲之且孤上恩天下何患
無才惟明主悉心求之末幾惟庸相基大感曰使吾言不驗蒼生福也憂
憤疾作以天文書授子璉曰亟上之母令後人習也又謂次子璟曰上或
思我問遺言願修德省刑祈天永命諸形勝要害之地宜與京師聲勢聯
絡惟庸以醫來飲其藥有物積腹中如拳石遂致死封誠意伯所著有覆
瓿集聖賢公集傳行於世璉字孟藻有文行爲江西參政爲惟庸黨所脅
墮井死璟襲父爵太祖召入見便殿燕語如家人温州賊葉丁香叛唐勝
宗討之決勝於璟破賊還稱璟才畧帝喜曰璟真伯溫兒矣嘗與成祖奕
成祖曰卿不少讓邪璟正色曰可讓處則讓不可讓者不敢讓也成祖默
然靖難兵起璟歸第稱疾不至逮入京下獄自縊死

宋濂字景濂其先金華之潛溪人至濂乃遷浦江幼英敏強記就學於聞
人夢吉復往從吳萊學已遊柳貫黃潛之門元薦授翰林編修以親老辭
入龍門山著書踰十餘年太祖召見除江南儒學提舉命授太子經尋改

宋濂既與議
禮之列又兼
師傳之任而
太子驕縱不
奉詔未聞其
一語之勸其
他又何足稱
史家阿好之
言不足信也

起居注嘗請春秋左氏傳詔修元史充總裁官除翰林學士傳太子十餘
年一言動必以禮法諷諭使歸於道至有關政教及前世興亡事必拱手
曰當如是不當如彼太子每歛容嘉納必稱師父云濂狀貌豐偉美鬚髯
視近而明一黍上能作數字自少至老未嘗一日去書卷於學無所不通
爲文醇深凡郊社宗廟山川百神之典朝會宴享衣冠之制四裔貢賦賞
勞之儀旁及元勲碑記刊石之辭咸以委濂推爲開國文臣之首官內廷
久未嘗許人過所居室署曰溫樹四方學者悉稱爲太史公其長孫慎坐
惟庸黨帝欲置濂死皇后太子力救乃安置茂州行至夔州以疾卒正德
中追謚文憲仲子璉最知名爲中書舍人以慎罪連坐死建文時璉子懌
官翰林

馮勝定遠人生時黑氣滿室經日不散及長雄勇多智畧與兄國用俱喜
讀書通兵法元末結寨自保太祖畧地至妙山國用偕勝來歸甚見親信
太祖嘗從容詢天下大計國用對曰金陵龍蟠虎踞帝王之都先拔之以

爲根本然後四出征伐倡仁義收人心勿貪子女玉帛天下不足定也太
祖大悅俾居幕府從克滁和戰三叉河板門寨鷄籠山皆有功從渡江攻
集慶下鎮江丹陽寧國泰興宜興征金華紹興累擢親軍都指揮使卒於
軍追封鄂國公子誠幼勝先已積功爲元帥遂命襲兄職典親軍從戰鄱
陽取江西收淮東取汴洛定關陝凱旋論功封宋國公而元本華黎裔孫
大尉納哈出擁眾數十萬爲遼東邊害命勝爲征虜大將軍傅友德藍王
爲左右副將軍帥步騎二十萬征之以捷聞加太子太保太祖春秋高多
猜忌勝功最多數以細故失帝意勝賜死諸子皆不得嗣而國用于誠積
功雲南官至右軍左都督

傅友德其先宿州人後徙碭山太祖攻江州至小孤山友德帥所部降帝
與語奇之用爲將進江淮行省參知政事平西蜀征雲南論功封賴國公
友德嗜啞跳盪身冒百死自偏裨至大將軍每戰必先士卒雖被創戰益
力以故所至立功子忠尙壽春公主女爲晉王世子濟熿妃二十五年友

德請懷遠田千畝帝不悅曰祿賜不薄矣復侵民利何居爾不聞公儀休事耶竟賜死以公主故錄其子彥名爲金吾衛千戶

廖永忠巢人楚國公永安弟也從永安迎太祖於巢湖年最少太祖曰汝亦欲富貴乎永忠曰獲事明主掃除寇亂垂名竹帛是所願耳太祖嘉焉副永安將水軍渡江平海寇有功永安陷於吳以永忠襲兄職爲樞密僉院總其軍從攻江州下南昌戰鄱陽敵將張定邊直犯太祖舟常遇春射走之永忠乘飛舸追且射定邊被百餘矢漢卒多死傷明日復與俞通海等以七舟載葦荻乘風縱火焚敵樓船數百又以六舟深入搏戰復旋繞而出敵驚爲神友諒死太祖以漆牌書功超羣將智邁雄師八字賜之懸於門尋充征南將軍自海道畧定閩中諸郡進取廣東至廣州九真日南朱厓儋耳三十餘城皆納印請吏取廣西至梧州潯柳諸路南寧象州皆降雨廣悉平又從伐蜀分兩軍攻水陸寨焚三橋斷橫江鐵索遂入夔府直擣重慶帝製平蜀文旌其功有傳一廖二之語封德慶侯初韓林兒在

滁州帝遣永忠迎歸應天至瓜步覆其舟死帝以咎永忠及大封功臣諭諸將曰永忠戰鄱陽時忘軀拒敵可謂奇男子然使所善儒生窺朕意邀封賞故止封侯而不公及楊憲爲相永忠與相比憲誅永忠以功大得免八年坐僭用龍鳳諸不法事賜死

胡美馮陽人初仕陳友諒爲江西行省丞相太祖旣下江州遣使招美美遣鄭仁傑詣九江請降且請無散部曲太祖初難之劉基蹠所座胡床太祖悟賜書報曰仁傑至言足下有效順之誠此足下明達也又恐分散所部此足下過慮也吾起兵十年奇才英士得之四方多矣有能審天時料事機不待交兵坦然委身來者當推赤心以待隨其才任使之兵少則益之以兵位卑則隆之以爵財乏則厚之以賞安肯散其部曲使人自危疑負來歸之心哉得失之機間不容髮足下當早爲計美得書乃以陳氏所授丞相印及軍民糧儲之數來獻迎謁於新城門太祖慰勞之俾仍舊官從征武昌下取淮東由江西平福建召還美拜中書平章同知詹事院事